

ԳԻՐԱԽՈՍՈՒԹԻՒՆ.

ՄԱՍՏԵՆԱԳԻՏՈՒԹԻՒՆ

ԽԱՉՎԱԾ ՔԱՂԱՔԻ ԲՆԱԿԻՉԸ

Տիեզերքում աստվածային մի ճամփորդ է իմ հոգին,
Երկրից անցվոր, երկրի փառքին անհաղորդ է իմ հոգին,
Նեոացել է ու վերացել մինչ աստղերը հեռավոր,
Վար մնացած մարդու համար արդեն խորթ է իմ հոգին:
ՆՈՎՆ. ԹՈՒՄԱՆՅԱՆ

Լույս է տեսել Մկրտիչ Սարգսյանի ջափախքյան թեմաներով գրված սրբա-
գործություններն ամփոփող «Դեպի լեռան Աբուլ» գիրքը¹, որը հրապարակության է
պատրաստել գրողի որդին՝ Վահագն Սարգսյանը, նշելով, որ հրապարակությունը
նվիրվում է հեղինակի ծննդյան 90-ամյա հոբելյանին: Նախաբանը գրել է «Միայն»
վերլուծական կենսագրության փորձագետ Վահե Սարգսյանը:

Գիրքն իր համահավաք ամբողջականությամբ նվիրումի մի յուրօրինակ դողանջ
է, մյթի ու հույզի թանձրությամբ չափազանցված ջափախքյան մի դիմապատկեր, որ ասես
արևելյան գորգերի վառված գույներով բացառարկվում ու ներառում է այնպիսի ապ-
րած ու ապրող մարդկանց խիղճն ու փառապանքը, թախիծն ու հրճվանքը, դժվարու-
թյուններին դեմքերս կանգնելու կամքն ու կորովը, լեռների հառաչանքն ու հողի սրբու-
թյունը, անցյալի խիզախումների խճանկարը, բարձրագույն Աբուլի ու Մըթին սարերի
վեհությունը...

Գրքում գեղեղված գործերը բոլորիս կամ գրեթե բոլորիս են ծանոթ ու վաղուց
են արժևորված, բայց կարևոր արժևորումն այս պահին երևույթն է, մեկ հայացքով
պարագծված սրբաճգնությունների համահավաք խորհուրդը, գրողի խղճի ու սի-
րո ներանձնական շաղախը, որ փառանդավոր գրչի արարումով ամբողջանում, գու-
լավում ու գեղարվեստ է դառնում բոլորիս համար: Եւ ի՞նչ սեր է, հող ու ջրի, քար ու
թփի հանդեպ ի՞նչ պաշտամունք ու նվիրում, որի համար խաչված քաղաքի խաչված
ճակարագրերով մարդկանց հոգիները արժանապատվության համար մղվող կռի-
վից հաղթանակված ելնում ու երկինք են համբառնում: Երկինք են համբառնում, որ

1 Մկրտիչ Սարգսյան, Դեպի լեռան Աբուլ, Երևան, 2012:

մեր երկիրը մեզ համար երկիր դառնա, արժանապատվության դրոշ ու լինելության խաչքար դառնա, երկիր, որի օրոքոցում ծնված երեխան խաղաղ մանկություն ունենա, իր գլխին ծնողի ներկայություն ու օրհնություն ունենա, վաղվա օրվա խորհրդով կերպարավորված ջրապինդ կորովը նախապապերի շիրիմների մասին եղած հիշողություններով գորեղանա: Ներելում ես գրողի մտքի եւ երեւակայության ընթացքին եւ պարկերների տեսանելի շերտում տեսնում այլեւս անտեսանելին, լսում՝ անլսելին. դա նրա սերն է, իր ծնողավայրի մարդկանց կենսագրությունը որպէս սեփական կենսագրություն ապրելու խաչը, իր հող ու ջուրը սրբացնելու մղումը, կարոտի փիեզերածավալ բռնկումը... Մեր խոսքի լավագույն վկայությունը նրա՝ «Միտ խոսք եւ ոչ միայն...» գրվածքն է, որտեղ նա գրում է. «Ինձ բախր է վիճակվել Վիրահայոց լեռներից մինչեւ Խրբորդի (Խերթվիսի) փարածքը, ուր Կուր ու Թափարվան գետերը գրկում են իրար, եւ Տաբադդուրի լճից մինչեւ Կարծախի Խոզապին լիճը, այսինքն՝ Ջավախքի ողջ փարածքը հյուսիսից հարավ եւ արևելքից արևմուտք շրջել ուրբով ու տեսնել շքեղ ու գեղեցիկ լեռնաշխարհի իմ հայրենակիցների թրտրաթոր աշխարհները, հպարտանալ, թե ինչպիսի՜ սիրով է հայ գյուղացին գուրգուրում եւ հերկում դժվարին, հեշտ չորվող հողն ու հավաքում բերքը, եւ ինձ երբեք չի լքել Ջավախքի անասնապահի, հողագործի, շինարարի առջեւ ծունկի գալու եւ նրանց կոշտ ու հացաբեր ձեռքերը համբուրելու ցանկությունը, լսել նրանց փառապանքի եւ ուրախության երգերը: Այո, ջավախքեցին գիտի աշխատել, գիտի շենացնել իր շեներն ու օջախները»:

Եւ ահա հենց այդ սիրտ եւ կարոտի մղումն է, որ նրան, հեռավոր 1949 թվականին, մի խումբ ընկերների հետ, Աբուլ սարի գագաթն է բարձրացնում: Գրողը մեզ հիշեցնում է, որ յուրաքանչյուր փարվա օգոստոսի երկրորդ կիրակի օրը Ջավախքի եւ հարևան շրջանների հայերը բարձրանում են Աբուլի գագաթը՝ ուխտագնացության, այդ մեծ բարձրության վրա գրկվող հարթ եւ բարձրադիր քարին մոտ են վառում, մաքրադում են ոչխար ու թռչուններ: Իսկ գագաթից, ուր ուխտավորները հասնում են արեւի ծագելուց հինգ-փասը րոպե առաջ, հեթիաթներ են բացվում չորս կողմը, նախ՝ արևածագը... «Ոչ, դուք նման արևածագ չեք տեսել, - տեսիլքի ծիրում հայտնվածի կախարդանքով բացականցում է գրողը: - Ծագման պահին արևը կարմիր, կարմիր է եւ տեսանելի դանդաղությամբ պարվում է կարմիր անիվի պես: Որքան բարձրանում է, այնքան առաքանում է ոսկեգույնը, արևայինը, եւ նվագում է կարմրագույնը: Իսկ երբ արևը դառնում է փիեզերքի տերը, նա մեր ծանոթ, իմացած արեւն է, որ լուսավորում է աշխարհն ամբողջ եւ հայրնագործում հեռու ու մոտ գեղեցկությունները... Նյուսխում սպիտակ, լայն շերտով ընդգծվում է Կովկասյան լեռնաշղթան իր երկնամերձ գագաթներով: Արևմուտքում մշուշի փակից կապտում է Մեւ ծովը, արևելքում՝ ոսկեգույնից իր քառագագաթ գլուխն է հանում Արագածը (Յավոք, Աբուլից չի երևում Արարապը: Արագածը գոցում է նրան): Նարավում, ոչ շաք հեռվում ծփում է Չղրը լիճը, իսկ ուրբերիս փակ Փարվանան շարունակում է իր լեզենդը...»:

Եւ, իհարկեւ, այդ ամենը փնտնելուց հետո արձակագիրն ու բանաստեղծը պիտի գրեն.

Ասում են, թե Աբուլը
Մասսի հասակը ունի,
Ջյունեղեն թագը նրա,
Ճերմակ թասակը ունի,
Նրա նման բարձրագահ,
Ամպերից վեր առ Ասրված,
Շղթաները խորքակող
Քաջաց դասակը ունի...

Կարդում ես գիրքը՝ բանաստեղծություններ, նովելներ, պատմվածքներ, վիպակներ, վեպ, հուշեր, գրական խորհրդածություններ, վրձնահարվածներ ու դիպարկումներ, խոհեր, սրբի անկեղծ խոսքեր..., եւ ինչ-որ մի վերերկրային հմայումով աչքերիդ առջեւ ասես փոված փեսնում ես Ջավախքի ծաղկած մարգագեղինները, ուր հազարավոր ծաղիկներ թել-թելի փված վառվառն գորգ են հյուսում, եւ այդ ծաղիկների մեկ-փեղված բույրը ելնում ու ժողովրդի շնչի հետ միախառնվելով բարձրանում, հասնում է մինչեւ Ասրծո կացարանը:

Եղևնու սարը՝ ծաղիկը շուրթին,
Թափարվան գետի փաղիկը շուրթին,

Անբառում քեֆի նսրելը բախար է,
Կանաչ անբառը իրոք դրախար է...

Դուդուկն է լալիս, ա՛խ, դիւ յաման,
Երգը դարձել է հոգու հրաման,

Ասես Ասրված էլ նսրել է քեֆի,
Նա էլ հարբած է ինձ պես երեւի...

Ահա Խաս բախչա կոչված քաղաքային այգին, աշխարհի թախիծը ցրող նվագախումբը, համերգների եւ հանդիսությունների, քեֆերի ու ուրախությունների համն ու հույրը փեղը բերող նվագողների կվարպետը՝ հռչակված կյարներխար Սամսրցի Նարուրը, թառխար՝ նշանավոր աշուղ Նավասին, դիուլչի՝ Ճնճղուզենց Թաթոսը եւ հիանալի ջութակահար՝ Աշուրը, որի համբավը ճեղքել է Ջավախքի լեռները եւ դուրս եկել նրա սահմաններից: Այդ աղմուկի միջից գալիս մեզ է հասնում այգու ծառուղիներում

արյան ջերմությունից շիկնող սիրահար գույգերի՝ հեքիաթի պես հյուսվող քչփչոցը, հուշերի մեջ թնջկված ծերունիների թելթուռոց գրույցը, երաժիշկների հեպ հաղորդակցվելու նրանց կերպը.

- Աշոպ ջան, հոգիդ ուրեմ, մե հասրիկ բայաթի Զուրդ չալե...
- Մարներդ ուրեմ, քասնոցը բռնե, թող չարդ քանի:

Եւ անցյալը դառնում է ներկա, մեր անվարպիթ ժամանակների դիմակավոր երեսը լուսապսակվում է անցյալի նամուսով, եւ ապրելը դառնում է ցանկալի, մեռնելը՝ արժանապատիվ... Որովհետեւ բացվող առավոտների զվարթության ու արեւամարքի շշուկներում հյուսածո առկա է քողի կախարդանքը, եւ մենք վկան ենք այդ կախարդանքից արտաբերված մի ընթացքի, որ կոչվում է գրողի ճակատագիր, ճակատագիր, որ լույսի խորհրդով է չափագծված, վավերացված Մկրտիչ Մարգարյան անունով, որ իր ճանապարհին փռված դարուփոսը իր մարդ լինելու վեհությամբ, գրող լինելու խաղաղությամբ ու իր բարությամբ էր հարթեցնելու:

Ահա եւ Կնուր Խաչոն՝ միշտ մաքուր ու միշտ ներկված, բայց իր դարն ապրած կառքով: Կառքը կա, բայց նստող չկա, կառքի մասին Խաչոյի գովասանքն ու հիշողությունն է մնացել՝ ի՞նչ հարսներ ու հարսանիքներ է քրտել կառքը, ի՞նչ ուրախություններ ու քեֆեր, ի՞նչ ճամփաներ ու արկածներ... Խաչոն, իր ասելով, այդ կառքով փրկել է Վահան Տերյանին:

- Դուք Վահան Տերյանին գիպե՞ք, - հարցրեց հանկարծ Խաչոն:
- Գիպեմ, - ասաց քարեց մարդկանցից մեկը:
- Մեծ աշուղ է, - Կնուր Խաչոյի դեմքը լուսավորվեց: Խոսակիցը ծիծաղեց:
- Ինչի՞ կիմոդաս:
- Վահան Տերյանը բանաստեղծ է:
- Ի՞նչ իմանամ, բանաստեղծ է, թե՞ աշուղ: Բանաստեղծն ի՞նչ է, - հարցրեց:
- Շար ավելի գրագետ, կրթված աշուղ:
- Ապրի արեոդ: Վահան Տերյանը մեծ մարդ է, չէ՞... Իմացիր, ես էդ մեծ մարդու կյանքը փրկել եմ:

Ու պարմում է Կնուր Խաչոն, որ քասնուր թվականին բանաստեղծը եկել է Ախալքալակ ու բոլշևիկյան ելույթ ունեցել կայագործի առջև: Մենշևիկյան հեծելազունը ծափերով է ընդունել նրա ելույթը: Վահան Տերյանը պարմել է հեղափոխության մասին, Լենինի մասին: Խաչոյի կառքը կանգնած է եղել ձորում՝ բուսրանների դիմաց: Սպաները փորձել են կալանավորել բանաստեղծին, բայց կոմունիստները փախցրել են նրան, իջեցրել ձորը, ուր կանգնած է եղել Խաչոյի կառքը:

«Ֆայտն նստավ թե չէ, - պարմում ու ոգևորվում է Խաչոն, - ձիերին էնպես զարկի, որ թեւ առան - թռան: Ձորով քարա Դիլիսկա գեղ, գիշերը մնաց էնպեղ, առավոտ լուսուն փախցրինք Գանձա, հայրական օջախ: Նիմի քեստար չէ՞, թե ինչ հնարքով ֆայտնեի Խաչոն էդ մարդուն փրկեց... Բայց հիմի մեկը չկա, որ ինձի փրկե էդ անպեր մաշինի ձեռքեն: Գործս գողցավ, գործս եր-եր կերթա, նալոգս՝ առաջ...»:

Եւ այսպէս՝ նովելից-նովել ու պարմովածքից-պարմովածք, իրար հետեւից, համով պարմություններ է պարմում գրողը, և մենք փնտնում ենք իր հոգս ու ուրախության վրա գլուխը կախ, արդար ու շիրակ, իր մի պարառ հացը հարեւանի հետ կիսող, աշխատող ու արարող ջավախբցուն: Սարգսյան գրողը էությամբ, իր ոսկրածածով գիրն Ջավախբն ու ջավախբցուն, դրա համար էլ նրա գրած ամեն մի փողը Աբուլի ձյունների նման մաքուր է ու փեսանելի, բարություն ու լույս է ճառագում: «Ի՞նչ փղա էի, Է՛, առյուծի ձագ..., - Փչան Եղիշն է, - Անդրանիկ փաշան ինձի մարով ցույց կուտար, կըսեր՝ Եղի՛շ, լուսադեմին ծանր կոխվ կլինի, գնա մի թուրքի ասկյար գողցիր, բեր թշնամու գաղտնիքն իմանալք, թե չէ փղերքը մեղք են, կընկենն գյուլի բերան, մահի փայ կդառնան... Ես էլ կերթայի, կառնեի, կուգայի...»:

Գրքի առանցքային գործը, անտարակույս, «Խաչված քաղաքը» վեպն է: Նայարնի է, որ Ջավախքի բնակչության 1918-1920 թթ. մղած պայքարը թուրքական բանակի և նրան ընկերացած թուրք խուժանի դեմ, մեր ժողովրդի պարմության ամենատողբերգական և ամենահերոսական էջերից է: Այդ ցավոյր թեման միշտ էլ հուզել է Մկրտիչ Սարգսյանին, և 1991 թ. նրա գրած «Խաչված քաղաքը» վեպը մի յուրօրինակ գեղարվեստական պարմ է (թեև հերոսների գգալի մասը իրական կերպարներ են) 1918 թ. ջավախահայության այդ դաժան, ողբերգական ու միաժամանակ հերոսական ժամանակների մասին: Իրավիճակի ողբերգականությունն ընկալելու համար դիմենք պարմությանը:

1917 թ. ռուսաստանյան հեղափոխությունների անհանգիստ օրերն են: Փլուզվում է երբեմնի հզոր ռուսական կայսրությունը, ժամանակավոր կառավարության ձեռնարկումներն ի գործ չեն կասեցնելու լայնածավալ փրության հետագա գահավիժումը: Օգրվելով Ռուսաստանում սրեղծված քառասյին իրավիճակից՝ առաջին համաշխարհային պարերագմում պարմության նախաշեմին հայրնված գերմանական բռնկի երկրները կրկին անցնում են հակահարձակման: Ի թիվս բազմաթիվ հայկական գավառների, թուրքական արշավանքի վրանգի առջև է կանգնում նաև Ախալցխայի և Ախալքալակի հայությունը: 1917-ի դեկտեմբերին Ախալցխայի բնակչությունը հայրնի դաշնակցական գործիչ Զորի Զորյանի գլխավորությամբ դիմում է հերոսական ինքնապաշտպանության, որի արդյունքում փասնյակ հազարավոր հայեր ու վրացիներ փրկվում են ֆիզիկական բնաջնջումից: Ցավոք, Ախալքալակի գավառում զանազան օբյեկտիվ ու սուբյեկտիվ պարճառներով անկարելի է դառնում կազմակերպված դիմադրությունը, և բնակչությունը հարկադրված, փողում թողնելով գույքը, դաշտերում՝ հասած հացահարիկի հարուստ բերքը, բռնում է գաղթի աղերալի ճանապարհը: Գավառի հարավային և հարավ-արևելյան գյուղերի բնակչության մեծ մասն արագադրում է դեպի Ծալկա, իսկ քաղաքի և հյուսիսային բնակավայրերի հայությունը՝ Բակուրիան: Վրացական իշխանությունները զանազան անհիմն պարճառաբանություններով արգելում են հայ բնակչության մուտքը Վրաստանի

տարբեր շրջաններ եւ գեների ուժով ստիպում հանգրվանել Բակուրխանի անհրապույր անտրամերում: Նայելով զավառ ներխուժած թուրքական զորքերի եւ Բորժոմի ճանապարհը հսկող վրացական զինված ջոկատների միջեւ՝ սովի, համաճարակների, մշտական հարձակումների հետեւանքով, մինչեւ նոյեմբեր մոտ 80 հազ. հայ զաղթականների ավելի քան 40-45 տոկոսը ոչնչանում է:

Սակայն «Խաչված քաղաքը» վեպում Մկրտիչ Սարգսյան արձակագիրը, գաղթի ու կոտորածի արեալիքը շրջանցելով, գնում է դեպի լինելության որձաքարը, պայքարի ու հերոսացման, վրեժխնդրության ու արյան հիշողությամբ թեժացած հոգեբանական դարսածալքերը, պարմում է այն մի բուռ հայերի մասին, ովքեր մնացին ավերված ու պարսկված քաղաքում եւ ելան անհավասար ու անհեռանկար պայքարի թուրքական գեղի դեմ: Նրանք հերոսության ու քաջության արքայազն օրինակներ ցույց տվին: Կանոնավոր բանակի դեմ մղվող մարտերից փրկվեցին գլխից ու կյանքից ձեռք քաշած մի բուռ դուռնիխուսներ, որոնց մեծագույն հերոսականության շնորհիվ, այնուամենայնիվ, ինչ-որ չափով դանդաղում կամ կանգ էր առնում հայեր աղացող հողմնաղացների աշխատանքը, եւ որոնցից ընդամենը 6-7 հոգու հաջողվեց փրկվել:

Վեպի հերոսուհին՝ գեղեցկուհի Եղիսաբեթ Սիրունյանը՝ Ջերեթ մականունով, իր ամուսնու՝ ազգությամբ բուլղար Սերգեյի հետ Ախալքալսկի պաշտպանության կոմիտեի կողմից ուղարկվում է շրջակա գյուղերը՝ տեղում իրավիճակին ավելի մոտիկից ծանոթանալու նպատակով: Դրանք այն գյուղերն են, որոնց բնակչությունը եղել է ինքնապաշտպանական մարտերի: Իսկ լքված գյուղերում թալան է: Ահա մի հատված վեպից. «Թուրքի խուժանը, ո՞րը ձիով, ո՞րը սայլով, ո՞րը հեծիտուն, Թափարվանի ձորով դանդաղ շարժվում էր դեպի թուրքական գյուղերը՝ իր հետ տանելով ահեղի բանակությամբ կողոպուտը: Նման դեպքերում կողոպտիչների տրամադրությունը բարձր է լինում: Երեկվա աղքատը, ընչագուրկը, մանավանդ սրիկան, մեկ օրվա ընթացքում դառնում է հարուստ մարդ: Ձորն ամբողջապես լցված էր սայլերով, անասուններով: Նարյուրամյակների ընթացքում կուրակված արդար վաստակի արդյունքները քշում էին դեպի թուրքական գյուղերը: Թալանողներն ամենից առաջ ավելի մրահոգված էին անասուններով, որոնք քանի որ իրենցը չէին, քանի որ տեր ու անասուն իրար չէին ճանաչում, շարերին թվում էր, թե իր թալանը խառնվել էր ուրիշներին եւ ողջ ճանապարհին կտվում էին իրենց ընկերների հետ, ծեծկոտում միմյանց, նույնիսկ դաշունահարում, սպանում իրար:

Կորիսի կամուրջին չհասած, բռնկվեց փոքրույնք, որի պարճառը բոլորովին էլ անասունները միմյանց խառնվելու կամ իրարից գողանալու առիթը չէր: Թուրք դոչիների մի սովոր խումբ ցանկացավ դառնալ այդ ամբողջ հարստության տերը, առանց ժամանակ կորցնելու անցավ կողոպտիչներին կողոպտելուն: Ձորում լսվեց նրանց վերջնագիրը.

- Բոլորը թողեք ձեր ունեցվածքը եւ վերադարձեք գյուղերը՝ նոր թալան բերելու: Չենթարկվողները կգնդակահարվեն անմիջապես...

Նարձակվող կողմը քանի որ գործում էր ավելի միասնական և նպատակասլաց, սկսեց կամաց մարդկանց բազմությունը հրել դեպի Կորիս գյուղի ձորում գտնվող փայտի կամուրջը: Նույն այս կամուրջի վերև բարձրացող ժայռի վրա դիրքավորված Մեա Արսենի խումբը սպասում էր կողոպույիցներին:

- Ի՛նչ անենք, Արսեն, - հարցրեց Թխպուր Նովոն:
- Քանի կամուրջին չեն հասել՝ պայթեցրու, հետո ուշ կլինի...

Նովոն առանց առարկության վառեց քուղը, և կրակը վազեց առաջ: Կռվող թուրքերն իրար ծվապելով մղվում էին դեպի կամուրջը: Մյուս կողմից, վառվող քուղը կրակն օձի նման արագորեն սողում էր դեպի կամուրջը: Կռվողներն ավելի շուրջ հասան կամուրջին և... Ահեղ դղրդոցով կամուրջի հետ միասին համբարձվեցին երկինք...»:

Այս բացառաբար փոքրամասն բնավորվածը թալանի համին ընկած թուրքի քանոնավային բնագոյն է, որ իր սեռամաղձ խորքում թանձրանալով ու թեւավորվելով, ոչ մի արգելքի առջև չի կանգնում. երկու թալանչի եղբայրներն անգամ զենքի ուժով իրար թալանում են, որովհետև դա նրանց ապրելու կերպն է, լինելության իմաստը, գոյատևելու մղումը...

Բայց եկեք թուրքին թողնենք իր թրքության հետ և դառնանք մեր քրիստոնյա վարքին ու գնահատման առումով հավելենք. մեծ հերաքրքրությամբ են ընթերցվում նաև գրողի՝ դասականներին նվիրված գրական խորհրդածությունները՝ «Նայրենաշունչ քնար» (աշուղ Զիվանի), «Նոգինների թարգմանը» (Վահան Տերյան), «Դերենիկ Դեմիրճյանը և նրա դասերը», «Դերենիկ Դեմիրճյանի «Քաջ Նազարը», «Ավամա երգիծաբաններ» հուշերի գրքից՝ «Դերենիկ Դեմիրճյանը՝ պարտապրել», «Ավերիք Իսահակյանը Դերենիկ Դեմիրճյանի մասին», «Նուրամիս Դերենիկ Դեմիրճյանը», «Նսանդուր Դեմիրճյանը», «Ավերիք Իսահակյանը Ախալցխայում», «Նավասու երգը»... Գրողը երգի մասին անգամ գրում է այնպես, ինչպես կգրեր երգի հեղինակի մասին: Եւ ահա Զիվանու «Չախորդ օրերը» երգի 100-ամյակի առթիվ գրում է. «Մեկ դար է, որ այս երգը ժողովրդի շուրթին է, նրա ուղեկիցը, մասնակիցը նաև նրա ուրախություններին և փխրություններին, միխթառողը նկուն հոգիներին, սապարաղ մարդուն՝ անկման պահերին: Եղբոր հարազատությամբ կանգնելով մարդու կողքին՝ սրբում է սգավոր արցունքները, հույս ներարկում անհուսության մեջ դեզերող հոգուն, դառնալով փրկության ափ՝ նավաբեկյալին և կյանքի կործանարար ալիքներին փարուրեղվող անհափի համար. մռայլ և թանձր ամպամածությունը՝ հույսի ու լույսի թեկուզ և փոքր, բայց փրկարար մի շողով թուլացնում, նոսրացնում ժայռեղեն մթությունը և հոգի ծվապող փազնապը»:

Իսկ «Ավերիք Իսահակյանը Ախալցխայում» մանրապատմությունը ներկայացնելու գայթակղությանը պարզապես դժվար է դիմանալ.

«Վարպետը 1940 թվականի ամռանը եղավ Ախալցխայում: Այցելեց նաև գյուղերը: Ամառային գյուղաբնակչության աշխատանքների եռուն շրջանն էր, և հասկա-

նալի է, որ կոլտնտեսականները գրավում էին հանդերում եւ այգիներում: Գյուղերից մեկում հանդիպումը բանաստեղծի հետ կայանում է դաշտում, սաղարթախիս ծառի տակ: Նանդիպմանը մասնակցում է ողջ գյուղը: Բանաստեղծի երկրպագուները, պարզապես հարցախեղդ են անում սիրելի գրողին: Եւ ահա տարօրինակ հարց է տալիս մի գեղջկուհի.

- Վարպենր, - ասել է նա, - ինչո՞ւ 1905 թվականին դուք ընկաք Նոռմսիմի գիրկը...

Պայթել է ծիծաղը: Վարպենրն անմիջապես կռահել է, որ խոսքը վերաբերում է հոռետեսություն բառին եւ գեղջկուհին հարց է տալիս ինչ-որ մեկի թելադրանքով, որ պետք է հասկանալ այսպես. ինչո՞ւ դուք 1905 թվականին ընկաք հոռետեսության գիրկը: Եւ բանաստեղծը պատասխանել է իրեն հարուկ հումորով.

- Ի՛նչ արած, հարգելի՛ս, քո գիրկն ընկնել չհաջողվեց, ես էլ ստիպված ընկա Նոռմսիմի գիրկը...»:

Այս գիրքը բազում արժանիքների կողքին ունի մի յուրօրինակ արժանիք եւս. գիրքն ընթերցելիս խաղաղություն է իջնում վրադ. խոսքը մաքուր է, բնական, պարկերները՝ թափանցիկ-տեսանելի, շունչը՝ կովի տեսարանների մեջ անգամ բանաստեղծական, կարծր՝ ապրեցնող, եւ բարությունն անսահման... Նրա մտածողության ու տողերի հյուսվածքներում տեսանելի վրձնահարվածներով իր ծնողավայրի՝ Զավախք աշխարհի շունչն ու պարկերն է. մանկության վառ ու գունագեղ հուշերը միահյուսվելով ծերունագարդ գրողի մայրամուտյան շողերի հետ մի ամբողջ կենսատարածք են բացապարգում, որտեղից սկիզբ առած թրթիռները բերում մեզ են հասցնում Զավախք աշխարհի շողշողուն արևը, նահապետական գյուղի ուրուփեշին շուրջված նախաստեղծ մաքրությունը, կտորների վրա կնճիռ կապած թոնրապրների լավաշաբույր ծուխը, աշխարհը շալակած փանող հայրերի ջրալինդ կորովն ու մայրերի հեզաբարո վարքը, ամայի դաշտերի վրա քրիստոնյա խաղաղությամբ ծփացող լռությունը, անձրևների մագգգուզ ճոճքն ու իրենց լռության մեջ լեզվանի դարձած աղբյուրների փափուկ կարկաչը, ցորենով լի ամբարների համը գոհությունը, սառնամանիքից եղյամ կապած ապակիների անթափանց թափանցիկությունը, Աբուլի վերձիգ խոյանքն ու Փարվանայի ալիքների մանրիկ քշիչոցը... Կարդում ենք գրողի ստեղծագործությունները, եւ նրա կարծր փոխանցվում է մեզ, մեր հոգու հետ շուրջվում, մեր հոգին ջերմացնում ու դառնում է կարծրի եւ ճանաչողության դասագիրք: Մարդասերական մի անթաքույց հրճվանք կա նրա տողերի հյուսվածքներում, մեծարենցյան՝ «Տուր ինձի, Տէ՛ր, ուրախությունն անանձնական», ցնծություն, նվիրումի մի անսպառ մղում, որ խավարը լույսի ու չարությունը բարության է վերածում: Ահա Զավախքի բարբառով համեմված կարծրի ու սիրտ մի պայծառ շաղախ.

Զավախք աշխարհք, քովդ կուրամ, որդուդ առջև քու գիրկդ բաց,

Զահել էի, էխարիար եմ, դուռա հետս խնդա ու լաց.

Ըռնարիկ ես դու, իմ Զավախք, թող Աբուլը ըլլի վկա,

Ախր քեզ պես անուշ աշխարհք սաղ աշխարհքում փնտրես՝ չկա...

Կարոպցել եմ մաքուր օղիդ, աղբրներուդ ծարվըցել եմ,

Նին սերերս չեն թագանա, չունքի քիչըմ պառվցել եմ...

Տարինները, փարինները չուչուսար, չուչուսար կուքան-կերթան,

Նըմը մարես հե՛չ չեն էլլի աղջիկները մեր ծոկթան...

Աղջիկներուն սիրահարված մինչև իրենց ականջները,

Աղջիկներու մեծ սիրով են գուսան դառնում մեր մանչերը.

Չալե՛ք, փղա՛ք, երգեք դայդին, բացեք սեղան ճոխ ու կարգին,

Երգով պիտի ուրախանանք, երգով պիտի հաղթենք դարդին...

Լույս իջնի գերեզմանիդ, վարպե՛ր, մեր փաք ու պաղ օրերի հանգույն մեր խոսքը միմյանց հանդեպ հաճախ ճշմարտանման, բայց քո հասցեին միշտ եւ ամենուրեք ճշմարիտ է հնչել, քանզի ճշմարիտ նկարագրի ներկայությունը դու էիր ու քո հարցմունքը. «Ուզում եք լավ ապրե՛լ, թե՛ ճիշտ ապրել»։ Եւ դա բարդի մեջ պարզի գիտակցումն էր, թե՛ մարմնավոր կյանքի խարացումն, ի վերջո, մահն է, հոգևոր կյանքի խարացումը՝ լույսն ու հավիտենությունը։ Իսկ մենք դեռ մոլորված էինք. լավ ապրելու հեռանկարում մեր միտքը թեպետ ձխավոր էր, բայց ափսոս, որ ձի չունեինք։ Մենք մինչ ձի ճարելու փնտրությունքի մեջ էինք, ուրիշների բոստար յարմուները խփել սարն անցել էին արդեն։ Եղած-չեղածն այս է. երկրի վրա հյուսված ու երկնքում շարունակվող հեքիաթ է։ Եւ թեպետ մեր բաժին հեքիաթը պառավել էր դեռ ջահել չեղած, բայց հեքիաթը մնում է հեքիաթ, որ պարմում ու լսում ենք, գրում ու վեժանում ենք։ Վկան այս ամիթը. կարդում ես գիրքը եւ երախարահությունը լեզվանի մրմունջ է դառնում շուրթիդ. մեր խոնարհումն ու խնկարկումը՝ քեզ, սիրելի վարպետ, իսկ մեզ՝ քո երկրային վաստակով եւ երկնային օրհնությամբ գորեղանալու բարերախությունը։

ՎԱՏԱՆ ՍԱՂԱԹԵԼՅԱՆ